



Schweizerische Berufsbildungsämter-Konferenz
Conférence suisse des offices de la formation professionnelle
Conferenza svizzera degli uffici della formazione professionale
Eine Fachkonferenz der EDK | Une conférence spécialisée de la CDIP |
Una conferenza specializzata della CDPE



SCHWEIZERISCHER ARBEITGEBERVERBAND
UNION PATRONALE SUISSE
UNIONE SVIZZERA DEGLI IMPRENDITORI

sgv  usam



Schweizerischer Gewerkschaftsbund
Union syndicale suisse
Unione sindacale svizzera



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Departement für
Wirtschaft, Bildung und Forschung WBF
Staatssekretariat für Bildung,
Forschung und Innovation SBF

Travail.Suisse

Covid-19/1 – Infurmaziuns dals 17 da mars 2020

Appel dals partenaris da l'uniun a las acturas ed als acturs da la furmaziun professiunala

Va a

- chantuns (uffizis per la furmaziun professiunala)
- scolas professiunalas spezializadas e lavuratori d'emprendissadi (via chantuns)
- manaschis d'emprendissadi (via chantuns)
- centers da curs intermanaschials (Ci) (via chantuns)
- purtaders da la furmaziun fundamentala professiunala e da la furmaziun professiunala superiura (via SEFRI e federaziuns da tetg)
- scolas spezializadas superiuras (via Conferenza SSS)

La Svizra sa chatta en ina situaziun extraordinaria che sa po midar da tut temp. La situaziun actuala ha er grondas consequenzas per la furmaziun professiunala e chaschuna en spezial bleras dumondas d'execuziun. Ils partenaris da l'uniun da la furmaziun professiunala (Confederaziun, chantuns ed organisaziuns dal mund da lavur) èn s'unids mardi, ils 17 da mars 2020, ad in proceder naziunal cuminaivel.

Ils puncts generals ils pli impurtants da la curvegna da l'uniun èn:

- Tut ils partenaris da l'uniun s'engaschan per evitar consequenzas negativas per la furmaziun professiunala.
- I valan vinavant las cumpetenzas legalas respectivas. La collavuraziun dals partenaris da l'uniun vegn però intensivada.
- Mesiras vegnan realisadas sin basa da curvegna naziunala. D'acziuns en atgna reschia da singuls chantuns u d'organisaziuns dal mund da lavur duai vegnir renunzià.
- L'instrucziun en tut ils secturs da la furmaziun professiunala duai vegnir mantegnida en il rom dal pussaivel. Prioritad han las classas finalas.
- La finamira è quella che tut las emprendistas e tut ils emprendists da l'ultim onn d'emprendissadi possian far lur diplom malgrà las cundiziuns generalas difficilas.

A) Scolas professiunalas spezializadas

Branschas, en las qualas la lavur vegn cuntinuada

Ils manaschis d'emprendissadi èn obligads da garantir las mesiras da protecziun tenor l'Uffizi federal da sanadad publica (UFSP), en spezial er per las emprendistas ed ils emprendists.

Sch'els na po betg garantir quai, ston las emprendistas ed ils emprendists vegnir tramess a chasa resp. tut tenor la pussaivladad ston ellas ed els vegnir occupads cun incumbensas d'emprender che pon vegnir ademplidas ordaifer il manaschi d'emprendissadi.

Durant il di da scola ston las emprendistas ed ils emprendists emprender a chasa u eventualmain ad ina piazza da lavur adattada en il manaschis d'emprendissadi.

L'incumbensa da scolaziun da las scolas professiunalas spezialisadas a las emprendistas ed als emprendists cuntinuescha. Las scolas professiunalas spezialisadas sa stentan da metter a disposiziun furmas d'emprender digitalas. L'emprima prioritad han las classas finalas incl. la maturitad professiunala.

Tut las emprendistas e tut ils emprendists duain cumpensar ils dis da scola che crodan ora sche pussaivel cun in emprender a distanza («distance learning») per lavurar si la materia da scola e per elavurar las incumbensas da la scola. Sche las premissas per l'emprender a distanza èn meglras en il manaschi d'emprendissadi, duain las emprendistas ed ils emprendists pudair profitar da quai en cunvegrientscha cun la furmatura professiunala cumpetenta resp. cun il furmatur professiunal cumpetent.

En branschas, nua ch'il persunal è stgars pervia da la situaziun actuala, po l'uffizi chantunal ch'è cumpetent per la furmaziun professiunala permetter excepziuns sin dumonda (p.ex. sanadad, fatgs socials, commerzi en detagl).

Branschas, en las qualas la lavur è suspendida

Las emprendistas ed ils emprendists da manaschis ch'èn pertutgads d'ina serrada, ston ademplier vinavant lur obligaziun da scola.

Las scolas professiunalas spezialisadas vegnan supplitgadas da metter a disposiziun purschidas d'emprender digitalas a las emprendistas ed als emprendists da questas professiuns (gastronomia, coiffeurs, cosmetica e.u.v.).

Ina gronda impurtanza en quest connex han il barat d'experientschas e la "best practice" per purschidas d'emprender digitalas. Infurmaziuns e purschidas correspudentas sa chattan sin la plattafurma www.eduport.ch che vegn messa a disposiziun dad Educa.ch.

Lavuratoris d'emprendissadi, manaschis da praticum e centers da curs intermanaschials

Ils lavuratoris d'emprendissadi èn serrads per il mument. Las personas responsablas èn supplitgadas da metter a disposiziun purschidas per l'emprender a distanza.

Nua che manaschis da praticum pon manar vinavant la produenziun resp. ils servetschs, pon las emprendistas ed ils emprendists cuntinuar cun lur praticum.

L'instrucziun ed ils trenaments en centers Ci èn suspendids. En branschas, nua che quai è pussaivel, duai er qua vegnir realisà in emprender a distanza.

B) Examens finals da las furmaziuns fundamentalas professiunalas 2020

La finamira è quella da pussibilitar a tut las emprendistas ed a tut ils emprendists da la furmaziun fundamentala professiunala da far il diplom, incl. la maturitad professiunala I e II la stad 2020.

Supraposiziuns cun l'onn da scola 2020/2021 ston vegnir evitadas per motivs organisatorics.

La qualitat da las proceduras da qualificaziun (EFE) sto vegnir segirada. En vista a questa situaziun extraordinaria duain las modalitads e l'organisaziun da las proceduras da qualificaziun però vegnir simplifitgadas – integrond ils purtaders responsabels. Ina gruppa da lavur dals partenaris da l'uniun ch'è vegnida installada immediatamain vegn a tschertgar tant pli svelt soluziuns naziunalas cuminaivlas per pussibilitar quai.

Perquai che las branschas èn pertutgadas differentamain da la crisa actuala, fan ils partenaris da l'uniun quint ch'i stoppian vegnir chattadas soluziuns per part specificas per las branschas.

C) Recrutaziun da novas emprendistas e da novs emprendists

La situaziun actuala difficultescha il proceder regular per tscherner ina professiun (p.ex. fufragnadi, discurs da preschentaziun e.u.v.).

Ils partenaris da l'uniun rendan explicitamain attent che la crisa da corona na dastga betg indeblir la furmaziun professiunala. Els drizzan il suandant appel als manaschis (d'emprendissadi): Er en vista a l'onni d'emprendissadi 2020/2021 duain vegnir recrutads vinavant emprendistas ed emprendists en la dimensiun usitada. Tut ils manaschis vegnan a depender vinavant da persunas spezializadas. Q.v.d. ch'igl è en l'agen interess dals manaschis d'emprendissadi da recrutar e da scolar las forzas giuvnas professiunalas.

Concernent il tema da la recrutaziun vegn installada ina gruppa da lavur, che elavura tant pli svelt soluziuns pussaivlas (p.ex. prolungaziun da la fasa da recrutaziun, mesiras da communicaziun e.u.v.). En quest connex vegni er examinà, sch'igl è pussaivel da flexibilisar il cumenzament da la furmaziun professiunala, e sch'igl è pussaivel da cumenzar pli tard cun l'emprendissadi en tschertas branschas.

D) Furmaziun professiunala superiura

La flexibilitad en la furmaziun professiunala superiura è pli gronda cumpareglia cun la furmaziun fundamentala professiunala.

Las scolas spezializadas superiuras èn supplitgadas da midar immediatamain a l'emprender a distanza. En il barat cun la Conferenza SSS vegn il SEFRI ultra da quai a tschertgar soluziuns naziunalas cuminaivlas, en spezial areguard las proceduras da renconuschientscha SSS che curran actualmain.

En quai che riguarda ils examens federals vegnan ils purtaders supplitgads da sa drizzar al SEFRI en cas da dumondas avertas. Per exempel pon ils termins dals examens vegnir spustads eventualmain.

E) Projects da refurma e projects gronds

La situaziun actuala lia bleras resursas tar tut ils partenaris da l'uniun. Prioritad ha il dumogn da las sfidas actualas.

Projects da refurma gronds currentes ed auters projects vegnan pervia da quai examinads durant las proximas emnas cun egl critic ed en coordinaziun vicendaivla dals partenaris da l'uniun pertutgads. Eventualmain vegnan els spustads. En cas da basegn vegnan definidas mesiras cuminaivlas.

En singuls cas po la realisaziun da novas ordinaziuns da furmaziun ch'èn gia entradas en vigor, vegnir retardada u spustada pervia da la situaziun actuala.

F) Ulteriur proceder

Las differentas sfidas en la crisa actuala vegnan tant pli svelt prendidas per mauns en gruppas da lavur dals partenaris da l'uniun.

I vala da restar flexibel, perquai che novas dumondas pon sa tschentar adina puspè.

Ils uffizis chantunals per la furmaziun professiunala, las organisaziuns da tetg naziunalas dal mund da lavur ed il Secretariat da stadi per furmaziun, retschertga ed innovaziun rimnan las dumondas avertas ch'èn entradas. Las respostas vegnan coordinadas tranter ils partenaris da l'uniun en moda centrala.

Actualmain vegn elavurà in concept da communicaziun che definescha las furmas ed ils cuntegns futurs da la communicaziun..

Posts da contact ed ulteriuras infurmaziuns

- Per ils manaschis d'emprendissadi, per ils centers Ci e per las scolas professiunalas spezialisadas è il post da contact anc adina l'uffizi chantunal per la furmaziun professiunala.
- Per purtaders naziunals da la furmaziun fundamentala professiunala e da la furmaziun professiunala superiura è cumpetent il SEFRI. Giavischs speziels pon er vegnir inoltrads a las federaziuns da tetg naziunalas.
- Las emprendistas ed ils emprendists sa drizzan a lur manaschi d'emprendissadi, a lur scola u a lur uffizi chantunal per la furmaziun professiunala.